



Bosna i Hercegovina
Federacija Bosne i Hercegovine
FEDERALNI ZAVOD ZA MIROVINSKO I
INVALIDSKO OSIGURANJE
FEDERALNI ZAVOD ZA PENZIJSKO I
INVALIDSKO OSIGURANJE

BROJ: FZ3/5/2-11-3-4693-13/24
Mostar, 20.12.2024.

Na temelju članka 68.točka 4.) alineja i) ,članak 69. točka 3) i članak 70. stavak (4) Zakona o javnim nabavama Bosne i Hercegovine (Službeni glasnik BiH broj 39/14, 59/22 i 50/24), a u vezi s Odlukom upravnog odbora broj: UOFZ-553/24 od 10.10.2024., člankom 8. Statuta Federalnog zavoda za mirovinsko/penzijsko i invalidsko osiguranje ("Službene novine Federacije BiH", broj: 38/03, 86/15 i 7/24) i konkurentskog postupka broj: FZ3/5/2-11-3-4693-2/24 od 5.11.2024. godine objavljenom na Portalu javnih nabava pod brojem 1023-7-2-173-3-121/24 dana 5.12.2024. Direktor donosi:

O D L U K U

o
poništenju postupka javne nabave

I

Sukladno članku 69. točka 2.) alineja d) i članak 69. točka 3) Zakona o javnim nabavama Bosne i Hercegovine poništava se postupak javne nabave – Nabava stalnog internet linka za potrebe Federalnog zavoda za mirovinsko/penzijsko i invalidsko osiguranje objavljen na Portalu javnih nabava pod brojem 1023-7-2-173-3-121/24 dana 5.12.2024.

II

Ovom Odlukom istovremeno se daje suglasnost za ponavljanje postupka predmetne javne nabave.

Obrazloženje

Ugovorni organ je proveo konkurentski postupak javne nabave usluga objavljen na Portalu javnih nabavki pod brojem 1023-7-2-173-3-121/24 dana 5.12.2024. pod nazivom- Nabava stalnog internet linka za potrebe Federalnog zavoda za mirovinsko/penzijsko i invalidsko osiguranje.

Otvaranje ponuda se održalo dana 16.12.2024. u 11,15 sati u Mostaru. Otvaranju su prisustvovala dva predstavnika ponuđača BH Telecom d.d. Sarajevo - Direkcija Mostar.

Za javnu nabavu usluga u roku predviđenim tenderskom dokumentacijom pristigla je jedna (1) ponuda:

1. BH Telecom d.d. Sarajevo-Direkcija Mostar sa ponuđenom cijenom od 22.938,00 KM bez PDV-a.

Po završetku procedura javnog otvaranja ponuda sačinjen je zapisnik o otvaranju ponuda i isti je pripremljen za otpremu. Prilikom otpremanja zapisnika broj FZ3/5/2-11-3-4693-8/24 od 16.12.2024. obaviješteni smo od djelatnika Protokola Federalnog zavoda za mirovinsko/penzijsko i invalidsko osiguranje da je još jedna ponuda, ponuda ponuđača LOGOSOFT d.o.o. Sarajevo, propustom ostala nezavedena te u trenutku otvaranja ponuda Komisija za provođenje postupka javne nabave nije imala saznanja o još jednoj pristigloj ponudi.

Po saznanju su sačinjene službene zabilješke djelatnika Protokola Federalnog zavoda za mirovinsko/penzijsko i invalidsko osiguranje kao i Odjela za poslove javnih nabava Federalnog zavoda za mirovinsko/penzijsko i invalidsko osiguranje, a i ponuđač Logosoft d.o.o. je putem maila dostavio potvrdu brze pošte o dostavljenoj ponudi na kojoj je naveden dan i sat prijema ponude. Ponuda ponuđača Logosoft d.o.o. Sarajevo je vraćena neotvorena .

Nakon verifikacije kvalifikacione dokumentacije kojom se dokazuje podobnost ponuđača Komisija je konstatirala da ponuđač BH Telecom d.d. Sarajevo-Direkcija Mostar nije dostavio dokumentaciju traženu točkom 4.4.1.b) tenderske dokumentaciji.

Točkom 4.4.1.b) traženo je slijedeće: *„Ponuđač je u obvezi dostaviti certifikat za upravljanje kontinuitetom poslovanja, ISO 22301:2019 ili ekvivalent kojim se dokazuje da ponuđač posjeduje tražene standarde.“*

Ponuđač BH Telecom d.d. Sarajevo-Direkcija Mostar je dostavio Izjavu o posjedovanju certifikata u kojoj je naveo (na 21. stranici svoje ponude) kako ne posjeduje traženi ISO 22301:2019 certifikat.

Dostavio je certifikate ISO 9001:2015 i ISO/IEC 27001:2022 i naveo da posjeduje certifikat kojim potvrđuje usklađenost sa certifikatom ISO/IEC 27001:2022 - Sustav upravljanja informacijskom sigurnošću, te prilaže ISO/IEC 27001:2022 koji se kako ponuđač navodi može uzeti kao ekvivalent. Na istoj stranici svoje ponude ponuđač je i pojasnio zašto se ISO/IEC 27001:2022 može uzeti kao ekvivalent. te kako je isti trenutno u procesu pripreme za traženu certifikaciju.

Ispod je navedeno šta koji od spomenutih certifikata predstavlja.

ISO 9001:2015 – Sustav upravljanja kvalitetom

ISO/IEC 27001:2022 – Sustav upravljanja informacijskom sigurnošću

ISO 22301:2019 – Sustav upravljanja kontinuitetom poslovanja

S obzirom da posjedovanje certifikata ISO 22301:2019 direktno dokazuje da je ponuđač uspostavio kontinuitet poslovanja koji mu omogućava isporučivanje i održavanje usluge koja je predmet ove nabave i tijekom neplaniranih događaja, tj. incidenata, mišljenje je kako certifikat ISO/IEC 27001:2022 ne može biti ekvivalent ISO 22301:2019 certifikatu, bez obzira što je ponuđač u okviru procesa tretiranja rizika za sigurnost informacija izradio dokument „Plan kontinuiteta poslovanja“ po kojem na sistemski način ima uređeno upravljanje kontinuitetom poslovanja.

Kako ponuda ponuđača BH Telecom d.d. Sarajevo-Direkcija Mostar ne ispunjava kvalifikacijske uvjete definirane tenderskom dokumentacijom ista je **neprihvatljiva**, te se ponuđač BH Telecom d.d. Sarajevo-Direkcija Mostar diskvalificira iz daljnjeg postupka nabave

u skladu sa člankom 68. točka 4.) alineja i) Zakona o javnim nabavama („Službeni glasnik BiH“, br:39/14, 59/22 i 50/24).

U skladu s člankom 69. točka 3) u kojem se navodi *„ Ugovorno tijelo može otkazati postupak javne nabave samo zbog dokazivih razloga koji su izvan kontrole ugovornog tijela i koji se nisu mogli predvidjeti u vrijeme pokretanja postupka javne nabave“* Ugovorno tijelo, odnosno Komisija za provođenje postupka javne nabave nije imala saznanja, u trenutku otvaranja ponuda, o još jednoj pristigloj ponudi te u skladu s člankom 69. točka 3. te shodno navedenom Ugovorno tijelo poništava postupak javne nabave.

Također u skladu sa člankom 69. stav 2. točka d) Zakona o javnim nabavama Bosne i Hercegovine (Sl. glasnik BiH broj 39/14, 59/22 i 50/24) koji glasi *„nijedna od primljenih ponuda nije prihvatljiva“*, odlučeno je kao u dispozitivu ove Odluke.

Žalba na odluku može se izjaviti u roku od pet (5) dana od dana prijema odluke. Žalba se izjavljuje u pisanoj formi ugovornom organu u skladu sa člankom 99. Zakona o javnim nabavama BiH.


Direktor
Halil Subašić, Mr. iur.